

Headline	Akmal bergurau tidak kembali ke kampus		
MediaTitle	Sinar Harian		
Date	11 Apr 2014	Color	Full Color
Section	Mahkamah & Jenayah	Circulation	160,000
Page No	55	Readership	509,000
Language	Malay	ArticleSize	159 cm ²
Journalist	N/A	AdValue	RM 2,021
Frequency	Daily	PR Value	RM 6,063



Akmal bergurau tidak kembali ke kampus

TEMERLOH – Mangsa kemalangan jalan raya di persimpangan lampu isyarat Bukit Anak Dara, Kijal, Kemaman sempat bergurau tidak akan pulang ke kampus UiTM Dungun, sebelum menemui ajal dalam insiden itu, kelmarin.

Malah, Muhammad Akmal Abd Rahman 20, sempat memberitahu rakannya, kursus Diploma Kejuruteraan Elektrik yang sedang diambil sangat susah dan dia mungkin tidak sempat menghabiskannya.

Ibunya, Maimon Kassim, 60, berkata, anak bongsu dari tujuh beradik itu juga sempat bergambar bersama rakan-rakan sebelum menunggang motosikal Yamaha LC pulang sendirian ke Kampung Teluk Sentang di sini.

“Dia anak yang baik. Dua minggu lepas masa ‘study week’ dia balik tak nampak perubahan pada Allahyarham,” katanya ketika ditemui di Kampung Teluk Sentang, semalam.



Mohd Hafizul menunjukkan gambar kenangan bersama Allahyarham Muhammad Akmal.

Hadir sama, abang mangsa yang juga Eksekutif Pengiklanan *Sinar Harian* Mohd Hafizul, 31 dan bapa saudaranya, Mohamed Kasim, 75.

Maimon berkata, suaminya sempat menghubungi anak bongsunya itu pada awal pagi kejadian dan berpesan supaya berhati-hati.

Menurutnya, Allahyarham memang suka bawa motosikal jika cuti se-

mester lama dan jarang menaiki bas.

“Allahyarham dalam tahun dua, sepatutnya dia tamat pengajian pada 2016, memang dia ada mengadu subjek diambil susah,” katanya.

Maimon berkata, jenazah anaknya tiba di kampung jam 6.30 petang kelmarin dan selamat dikebumikan di tanah perkuburan Islam Kampung Teluk Sentang.